

痘疹會通

元

午 42

7

共 4 冊

盱江曾香田纂輯

痘疹會通

忠恕堂藏板

叙

醫之利於世也前古聖人已有
之而醫中有痘疹則起於東
漢以後較之大方家尤難蓋其
學既無正宗而嬰兒死生以係
焉非剖究精詳神明於虛實攻
補之法者未可妄行也吾友

曾君香田天機超曠自其少時攻
舉子業即旁涉岐黃凡靈樞金
匱法書靡不流覽融貫以是手
到病除歷著奇驗而又忘痘疹
人所不免而其症甚危爰精心殫
究不遺餘力而賴以存活者難可
枚舉以余目擊而志之者也予曰

思是科後世非無成書而各執一
義遂號為家庸醫不容擗捨一
二古方拘泥鮮通罔顧生命以
閼惟藉取資肥橐而嬰兒之傷者
比比矣流毒尚可言哉曩與香
田居豫章時兩晦風滿日相過從
每一及此輒惻然久之嘗於薈萃

前說手訂一編俾世人不受庸醫
之誤會臨江原守李滙川先生
延致寧波踰年而今弟文懋比
部要疾香田遂由浙入都予亦
飢驅吳門不相見者七載今夏需
次謁鉉復以朝夕聚首澁談之暇
乃取所纂痘疹會通出以示予則

既裒然朱帙矣余披讀再三見其
於天行與選種之法至詳且備不
離古而不泥乎古其法運用之妙
變化生心者歟倘公之海內無詖通
都大邑其耆業痘科者可奉為
指南即僻壤窮鄉之民按症辨
方皆得所藉手以自全活豈特一

時一方之利已就乃亟請付之剞
劂 曾君曰唯之皆

乾隆五十一年丙午孟秋月學愚
弟高學瀛拜手謹序



自叙

痘於何始乎靈樞素問之經不言其疾
而說文玉篇等集并無其字也考之周
禮有瘍醫痘其瘍屬歟或謂馬伏波征
武溪蠻病痘而卒其毒遂流傳於世是
未必然按漢書建武二十五年征武陵蠻伏
波軍次下雋從壺頭進兵會甚暑士卒疫死

大半援六中病卒於軍則援死之由於暑疫
確而可據安得臆斷以為痘耶惜乎宋藝文
志載晁昭德鄭夾漈所錄小兒諸方書當有
論痘症所始者而皆散佚也自宋以來劉河間
錢仲陽張潔古王海藏及陳文中朱丹溪之
徒始著治法顧溫涼攻補各執一義學者無
得而貫通於是拘泥一二古方不察虛實而妄

授之流布禍害吁可傷哉夫痘疹之為疾世
人生死之一大關也不求所以善治之而盡委
之數與命非也

國朝康熙年間吾鄉朱純嘏陳添祥始相偕至

京師試苗選種視天行自出者一時全活
迄今吾鄉猶有種苗之師而都下無此說
每遇歲時流行互相傳染則有一車而累

系然載小棺數十者不能不見之而慘然也
余以為種苗之法固安而天行亦非無可
醫惟習其道者精於究其根源參其常變
不泥古而亦不離乎古斯得之矣余少時多
病賴先君子善診治得生厥後從先君子習
大方脈稍諳熟中年更攻是科專心致
志不敢淺嘗偶有所得於中即筆而置諸

篋會出與吾友高念齋眎之遽躍然曰邇
來醫學頗難其人若痘疹尤無正宗此編
當與天下公之迺條列以付諸梓顏曰痘疹
會通豈敢自矜盡善也惟是念吾人生死
之大關而又常有觸於怵惕惻隱之心不忍
不竭一得之愚以進質於高明而已究之痘
之失古書也余能無慨惜哉

乾隆五十一年丙午仲夏月盱江曾鼎香田
氏自書於京邸之忠恕堂

凡例

一是編因各醫書論痘疹者最少間有一二冊又各師其師不無偏弊後人靡所權衡故敢折衷諸家出而問世冀於保赤之道少有補焉

一是編雖專主痘疹而實叅究內經傷寒發熱諸論貫而通之蓋痘疹傳經有不同於他病者岐黃家必當知之

一凡引用古書或摘一二句或採一二節或兼撫數人之言或備錄一家之說皆斟酌可否適於中正

欲學者知所變通非敢務博也

一諸家痘書於婦人多畧不知婦人或膺此疾不可以治小兒之法盡之故是編特爲分著

一諸家痘書於麻疹多畧不知麻與痘異症而又同關利害也茲特標治法附後以備叅觀

一凡痘症中所兼各症詳列諸篇庶無遺漏之憾至部位等類則皆畫圖附之

一是編論治痘之法而仍繫以稀痘種痘諸方蓋先事豫防功幾過半不可闕也

一是編爲人生性命設初無意於組織文辭是以直敘其旨而不嫌於鄙詳述其奧而不慮乎繁卽於前後之重複辨證之瑣屑與夫照應不齊言論淺俗俱弗暇恤耳